

摘藻堂四庫全書薈要

子部

欽定四庫全書叢要

子部

御定書畫譜卷三十一

詳校官兵部主事臣雷純



欽定四庫全書薈要卷一萬一千三百六十二

子部

御定佩文齋書畫譜卷三十

書家傳九

唐五

田業

已下一百三十
三人未詳時代

田業唐流水寺吳郡縣令田業伯業書額

吳地記

王什 杜懷亮

王什杜懷亮唐淨域寺三階院門內王什書榜子東壁

杜懷亮書膀子張彥遠云王什杜懷亮書人罕知有書

跡甚高似鍾書

歷代名畫記

賴文雅

賴文雅

萬姓統譜云文雅官光祿寺卿

善真行

書史會要

呂摠續書評云賴文雅書騰沙鬱霧翻浪揚鷗

書苑菁華

華

何昌裔

何昌裔善真行書

書史會要

呂揔續書評云何昌喬書子敬餘波時時可翫

書苑菁華

房廣

房廣善草書

書史會要

呂揔續書評云房廣書婉美芬藹春鶯欲嬌

書苑菁華

沈益

沈益章草體格亦老但無變態

書史會要

呂揔續書評云沈益書春鶯窺魚秋蛇赴穴

書苑菁華

王奐之

王奐之自稱雲陽野夫唐陀羅尼經幢在今潤州寶墨
亭中王奐之書字畫頗為世俗所重

集古錄

繆師愈

繆師愈歐陽修云唐人書見於今而名不知於當時者
如張師丘繆師愈之類蓋不可勝數也

集古錄

陳游瓌

陳游瓌唐楷書手歐陽修云余之所錄如于頔高駢下

至陳游瓌等皆有蓋武臣悍將暨楷書手輩字皆可愛
集古錄

何璧

何璧字字應二王撫矩草法之工如是蓋唐中葉後人

東觀餘論

陳賢

陳賢草書帖奇逸難辨如日本書

寶章待訪錄

詹鸞

詹鸞作楷字小者至蠅頭許位置寬綽有大字法書唐
韻極有功慕吳彩鸞故名焉

宣和書譜

韋榮宗

韋榮宗工正書行草而行草尤勝學者多從之喜論書

法其得處皆脗合古人

宣和書譜

韋權

韋權工草書其筆畫宗王氏義獻之法

宣和書譜

唐椒陵陂詩韋權撰正書

金石錄

顧紹孫

顧紹孫作正書類鍾繇

宣和書譜

張覲

張覲官至左司郎中幼好學喜作真書字體謹嚴率倣

柳公權而自成一家

宣和書譜

鈕約

鈕約善正書字畫雖小而圓勁成就不乏精神為可喜

者

宣和書譜

李霄遠

李霄遠喜草書近類釋亞棲有盛譽學者宗之

宣和書

譜

張仲謀

張仲謀長於草法其源流出自王羲之久而自稱一家

宣和書譜

張欽元

張欽元官至奉禮郎作真字喜書道釋經其遠法鍾繇

惟恐失真

宣和書譜

褚齊賢

褚齊賢工於翰墨有名當世

書史會要

唐元秀方碑褚齊賢正書

墨池編

陳傑

陳傑本於寫經頗善書額

書史會要

唐王摩詰畫壁碑陳傑書

墨池編

李景初

李景初工於翰墨有名當世

書史會要

唐邠州東廳記李景初書

墨池編

姚贊

一作質

姚贊吳興人工八分書

書史會要

張若劣

張若劣宗徐浩

書史會要

崔驥

崔驥亦能書

書史會要

馬雄

馬雄

唐書藝文志馬雄絳
囊經一卷雄稱居士

骨氣甚抗如衛霍布陣嘗有

戰勝之心

書史會要

唐馬雄有草帖

墨池編

史賤曾

史賤曾迹混陸公而峻過之

書史會要

陸孚

陸孚精思虞世南之道但字傷於側薄

書史會要

韋暄

韋暄八分甚平穩亦韓擇木史浩之佐

書史會要

徐曄

徐曄真草千文稍涉緊促而諸事無闕

書史會要

顧瑤

顧瑤傳李邕

書史會要

姚園客

姚園客甚能臨寫

書史會要

何嘉周

何嘉周特善蘭亭而傷勇壯

書史會要

陳懷節

陳懷節小楷圓熟雜迹次之

書史會要

朱思慎

朱思慎楷書浮媚風流

書史會要

阮奉之

阮奉之小楷甚善

書史會要

羊朝

一作朝逸

羊朝書蹟亦逸氣格雖強瞻而無變態

書史會要

沈四師

沈四師行草等雖傷痛薄然圓靜不俗也

書史會要

褚異

褚異師虞世南楷類張旭復善篆

書史會要

沈從道

沈從道師虞頗有體勢

書史會要

丘弟

丘弟善虞體草書亦狂縱

書史會要

丘石

丘石弟之子亦能書翰

書史會要

鄒紹先

鄒紹先筆格堅勁甚有古風蔡隱丘韓覃之流

書史會

要

孫羽客

孫羽客師虞甚有格力

書史會要

陸遠郊

陸遠郊雖功多不免側薄

書史會要

史洪

史洪習武丘塔額且無疵病

書史會要

華明素

華明素平原人工篆周處廟碑額乃其筆也

書史會要

葛蒙

葛蒙丹陽人書跡似顏魯公

書史會要

瞿倂

瞿倂江夏人官至左衛兵曹參軍能文辭善古隸

書史

會要

鄭虬

鄭虬長安人善八分

書史會要

濮陽興

濮陽興嘗有所書歸藏初經行於世

書史會要

林傑

林傑字智周閩川人也善草隸俱自天然不因師授

書

小史

楊奐章

楊奐章唐張萱寫番部女騎圖後有唐人奉天楊奐章

書長歌跋尾字法懷素

詹景鳳東圖玄覽

賈餘絢

賈餘絢蜀人善屬文尤長於書初寓雲南西爨王碑其

手書也

雲南通志

魏崇

魏崇唐柘城令李公德政頌封利建撰魏崇行書

金石

錄

鄧昉 盧浩

鄧昉盧浩唐李柏碑陽常灌撰鄧昉盧浩書在萬安

墨

池編

趙博玄

趙博玄唐裴曹碑趙博玄書在緱氏

墨池編

溫建

溫建唐韋守宗碑溫建書

墨池編

邵宗厚

邵宗厚唐荷澤興化感異靈迹碑邵宗厚書

墨池編

萬賓

萬賓唐岱岳天齊王靈應碑萬賓書

墨池編

張文祐

張文祐唐圓通大師碑張文祐書

墨池編

吳承嗣

吳承嗣唐大智禪師塔銘吳承嗣書在嵩山

墨池編

盧中敏

盧中敏唐開元寺講堂記盧中敏書在陳州

墨池編

董彝

董彝唐越州龍泉寺碑董彝書

墨池編

崔諭 崔元 崔衡

崔諭崔元崔衡唐陀羅尼經崔諭書
崔元書經崔衡書記
墨池編

楊江

楊江唐修三元黃錄壇碑
楊江書在汾上
墨池編

李巨業

李巨業唐汾州創制城隍廟碑
李巨業書
墨池編

劉重約

劉重約唐修敬亭府君廟宇記
劉重約書
墨池編

高重明

高重明唐王仙公廟記高重明書

墨池編

韋行質

韋行質唐濟祠新西海亭記韋行質書

墨池編

黃執中

黃執中唐修漢文廟記黃執中書

墨池編

魏永

魏永唐淮安王趙公祠堂記魏永書

墨池編

李躅

李躅唐鄧州城北亭樓記李躅書

墨池編

毛伯政

金石略作
毛伯長

毛伯政唐千佛寶塔毛伯政篆書

墨池編

張休猜

張休猜唐夏縣宰德政頌張休猜書

墨池編

金元吉

金元吉唐大用釋迦牟尼佛碑金元吉書

墨池編

歸稱

歸稱唐悟真大師塔銘歸稱書

墨池編

張行博

張行博唐阿育王寺舍利塔銘張行博書

墨池編

許靜金

許靜金唐建碑浮屠記許靜金隸書

墨池編

毛如

毛如唐左溪大禪師碑毛如補書

墨池編

韋聖

韋聖唐西嶽真君觀碑韋聖書

墨池編

陸鄙

陸鄙唐鏡空和尚碑陸鄙書

墨池編

姚宗

姚宗唐重立徐偃王碑姚宗八分書

墨池編

李承祐

李承祐唐封廣順王廟碑李承祐書

墨池編

李芳郁

李芳郁唐修中嶽廟碑李芳郁書

墨池編

• 趙曾

趙曾唐葉君廟碑趙曾書

墨池編

陳表仁

陳表仁唐新石幢記陳表仁書

墨池編

崔周衡

崔周衡唐陽翟縣石橋記崔周衡書

墨池編

穆君虞

穆君虞唐永州刺史穆君虞題名

墨池編

陳仁稜

陳仁稜唐阿彌陀經陳仁稜所書刻於襄陽

馬端臨文

獻通考

崔納

崔納唐嘉州羅目令贈鄭州刺史郭府君碑崔納書

金

石略

陸尚賓

陸尚賓唐絳州薛光裔碑陸尚賓書

金石略

郭延禧

郭延禧唐南京牛龍堂記郭延禧書

金石略

何歸儒

何歸儒唐台州長生田記何歸儒書

金石略

楊遠

楊遠唐如雲筠禪師碑楊遠書

金石略

甘從福

甘從福唐鼎州桃源修壇記甘從福書

金石略

徐挺古

徐挺古唐崇元觀聖祖院碑徐挺古八分書

金石略

裴述

裴述唐檢校吏部郎中持節歙州諸軍事范陽盧府君

碑裴述書

金石略

盧充

盧充唐神光寺碑 盧充書在福州

金石略

屈安

屈安唐孔子老子顏子贊屈安書在兗州

金石略

楊友卿

楊友卿唐碑 楊友卿書

金石略

王知新

王知新唐修北嶽廟殘碑 劉端撰王知新行書

金石表

劉慎徽

劉慎徽唐尊勝陀羅尼經石幢劉慎徽正書

趙岷石墨

鐫華

李玄穆

李玄穆唐華嚴九會碑李玄穆行書

金石表

張頌

張頌唐贈滎州刺史碑張頌行書在三原縣北墓上

格

古要論

左興宗等二十三人

按陶宗儀所錄其它書可攷者載於前存二十三人

附於書
家之末

左興宗 夏侯玄 李安車 陳蕩 史凌

賈易 蕭結 李情 殷啟 雷咸

張迨 一作張超

右並工於翰墨有名當世

羅方真 王延期 蔣日用 馬潛 史恒

高玉 蔣嵩 劉澄洞 袁中孚 胡仲南

陳雲 朱簡

右自貞觀至元和間並能精學書篆章分各著名當

時者 書史會要

陳氏童子

已下十八人
名氏遺闕

陳氏童子 明皇時人 釋皎然陳氏童子草書歌云書家孺子

有奇名天然文章令人驚僧虔老時把筆法孺子如今
皆暗合颺揮電灑眼不及但覺筆端鳴颺颺有時作點
險且能太行片石看欲崩偶然長掣濃且燥少室枯松
敲不倒夏室炎炎少人歡山軒日色在闌干桐花飛盡

子規思主人高歌興不至濁醪不飲嫌昏沉欲翫草書
開我襟龍爪狀奇鼠鬚銳水戔白哲越人惠王家小令
草最狂為予揮灑驚騰勢

皎然杼山集

開元太學生

開元太學生

佚其姓氏

唐贈歙州刺史葉慧明碑開元五年

江夏李

下闕二字當是李邕撰

國子監太學生

下闕三字

八分書

金石

文字記

馬秀才

馬秀才

大理馬正之子

權德輿馬秀才草書歌云伯英草聖稱

絕倫後來學者無其人白眉年少未弱冠落紙紛紛運
纖腕初聞之子十歲餘當時時輩皆不如猶輕昔日墨
池學未許前賢團扇書豔彩芳姿相點綴水映荷花風
轉蕙三春併向指下生萬象爭分筆端勢有時當暑如
清秋滿堂風雨寒颼颼乍疑崩崖瀑水落又見古木飢
龍愁變化縱橫出新意眼看一字千金貴憶昔謝安問
獻之時人雖見那得知

權文公集

阿買

阿買

黃庭堅云退之姪

韓愈醉贈張祕書詩云阿買不識字頗

知書八分詩成使之寫亦足張吾軍

昌黎集

嚴童子

嚴童子嚴司空孫字照郎十歲能賦詩徃徃有奇句書
題有成人風元稹贈嚴童子詩云十歲佩觿稚子八
行飛札老成人

元氏長慶集

孟崙二童

按舊唐書劉禹錫傳子承雍登進士第亦有才藻孟崙或其小字也白居易

易云夢得
小男崙郎

孟崙二童

劉禹錫子

柳宗元殷賢戲批書後寄劉連州并示

孟崙二童詩云書成欲寄庾安西紙背應勞手自題聞
道近來諸子弟臨池尋已厭家雞劉禹錫酬家雞之贈
云日日臨池弄小雛還思寫論付官奴柳家新樣元和
脚且盡薑芽斂手徒宗元重贈二首云聞說將雛向墨
池劉家還有異同詞如今試遣隈牆問已道世人那得
知世上悠悠不識真薑芽盡是捧心人若道柳家無子

弟往年何事乞西賓
禹錫荅前篇云小兒弄筆不能嗔
浣壁書牕且當勤聞彼夢熊猶未兆
女中誰是衛夫人
宗元疊前云小學新翻墨
沼波羨君瓊樹散枝柯
左家弄玉唯嬌女
空覺庭前鳥跡多

柳河東集

嵩山布衣

嵩山布衣

憲宗時人

唐檢校太子少保田公碑元和十五年

李宗閔撰碑為篆字題為嵩山布衣書而名姓磨滅不

可識其筆蹟頗佳

金石錄

黃協律

黃協律

佚其名

宜興周孝侯墓有古碑一通云晉平原內

史陸機撰右將軍王羲之書碑尾云唐元和六年十一

月十五日承奉郎守義興縣令陳從諫重樹此碑前試

太常寺協律郎黃

闕書

弇州山人藁

虞押衙

虞押衙

文宗時人

永興公孫亦善書許渾贈河東虞押衙詩

云舊精鳥篆諳書體新授龍韜識戰機

許渾丁卯集

襲真子

襲真子

文宗時人

唐左真人仙堂記開成五年張虛白撰襲

真子書

金石錄

白馬寺臨書人

白馬寺臨書人

文宗時人

陳僧智永真草書歸田賦真跡有

古跋曰開成五年白馬寺臨一過

寶章待訪錄

幾玄

幾玄

佚其姓

虞世南汝南公主銘起草有名幾玄者題其

標云故祭酒崔十八丈綽嘗與寇章賀拔基以鑒賞相
尋會昌以來時覩斯帖頃年崔丈每送予兄弟下第東
歸必曰此去獲見汝南帖亦何減昇第邪咸通二年春
於存神室輟獻子凝良足嗇愛也

米芾書史

魯書生

魯書生

宣宗時人

裴休尚古好奇有親表宰曲阜得古器曰

盜有古篆九字不能辨兗州有書生姓魯能八體書召
至出盜示之曰此大篆也頗嘗學之是九字曰齊桓公

會於葵丘歲鑄邑宰大奇其說及以篆驗則字勢存焉
吳兢唐闕史

張起居

張起居

懿宗時人

鄭谷寄左省張起居詩云家聲三相後公

事一人前詩句江郎伏書蹤甯氏傳自注云起居今太
師盧公宅相傳授書法雲臺編

野奴

野奴

佚其姓陶宗儀作盧攜之從姪誤

張旭之法又傳蔣陸及從姪野

奴二人 盧攜臨池妙訣

義愔

義愔

佚其姓

唐玄素神道碑子義愔撰并書

墨池編按是碑列於宋

環之下元結之上當是明皇時所立攷唐有二玄素一張玄素一丘玄素其子孫皆無所考不敢定為何氏書也

晉陵子

晉陵子

未詳何時人

唐冰清琴銘詞翰皆不俗可喜題曰晉

陵子而不著名氏豈非隱者與

金石錄

麋率子

纍率子小草妍媚評者謂如細草浮春閒花映竹

書史

會要

高力士

高力士潘州人本姓馮聖歷元年入宮則天嘉其黠惠
令給事左右內官高延福收為假子授宮闈丞玄宗擢
授朝散大夫內給事開元初加右監門衛將軍天寶初
封渤海郡公加驃騎大將軍從幸成都進封齊國公

舊

唐書本傳

唐千福寺東塔院額高力士書

歷代名畫記

楊承和

楊承和

穆宗時人

寶歷二年內樞密使王守澄楊承和神策

護軍中尉魏從簡梁守謙奉江王而立之

唐書文宗紀

唐邠國公

梁守謙

功德銘右神策護軍中尉楊承和撰并

書長慶二年十二月一日立

金薤琳琅

唐六譯金剛經弘農楊朝集太和中中貴人楊承和集

右軍書刻之興唐寺

文獻通考

楊承和書金法歐陽蘭臺

石墨鎬華

黃幡綽

黃幡綽

明皇時
優人

霓裳羽衣曲黃幡綽書在河中府

鄭樵通志

張廷範

張廷範

書史云
清河人

以優人為朱全忠所愛扈東遷為御營

使進金吾衛將軍河南尹全忠以為太常卿後貶萊州

司戶叅軍

唐書柳璨傳

廷範喜草書

宣和書譜

張廷範亦學歐陽詢一雙鉤摹歐帖上題曰便是至寶也惜之惜之永為所寶之寶皆學歐行

米芾書史

真人興能

真人興能日本人建中元年使者真人興能獻方物真人蓋因官而氏者也興能善書其紙似繭而澤人莫識唐書日本傳

司馬凝正

司馬凝正

懿宗時人

攻書好道游江湖間久矣咸通初與道

士白無隅張堅白於洞真觀繕寫真經尋復遊歷諸山
貌如五十歲人天復中來往西山玉笥索吉諸郡人皆
識之

杜光庭錄異記

陳簡

陳簡者婺州金華縣小吏也早入縣忽逢道流簡隨之
行及一宮觀內有筆墨之屬以黃素書一卷紙十餘幅
授之曰以汝有書性為我書之發標視之皆古篆文素
不識篆字試按本書之甚易半日已畢道流以一杯湯

與之曰此金華神液飲之者壽無限出門恍如夢覺已三日矣還家習篆書道勁異常而不復飲食尋復入金華山去亦時還郡中

神仙感遇傳

鍾離權

鍾離權字雲房

宣和書譜云不知何時人自謂生於漢

咸通中呂巖遊長

安酒肆見一羽士書三絕句於壁因揖問姓氏曰予居終南鶴嶺可從予行否巖因隨之俄頃已至取筆於洞

中石壁草書一十六字

呂真人本傳

權嘗草其所為詩字畫飄然有凌雲之氣自論其書以
為學龍蛇之狀云

宣和書譜

呂巖

呂巖字洞賓

一名巖客集仙傳云又字希聖蒙齋筆談云唐呂渭之後

河中永樂人

少聰敏日記萬言號純陽子咸通中舉進士第遊江州
廬山以筓頭書劍詩於壁初見若無字而墨蹟粲然透
出壁後宋徽宗時自稱昌虛中往來諸琳宮善草書作
枯藤遊絲勢一舉筆數千絡繹不斷人爭攜楮以請往

往不與 呂真人本傳

回先生過湖州東林沈氏飲醉以石榴皮書其家東老

菴之壁 東坡集

大梁景德寺峨眉院壁間有呂洞賓書數語字畫飛動

如翔鸞舞鳳非世間筆也 周少隱竹坡詩話

張叅政洎早年家居洞賓謁之索紙筆作八分書詩一

章示他日將佐鼎席之意 呂純陽集

許碯 一作鵲

許碁自稱高陽人也少為進士累舉不第晚學道於王屋山周遊五嶽於石崖屋壁人不及處題曰許碁自峨嵋山尋偃月子到此覩筆蹤者莫不歎其神異

續仙傳

謝自然

謝自然華陽女真也幼而入道善筆札能屬文

續仙傳

吳彩鸞

吳彩鸞自言西山吳真君之女太和中進士文蕭客鍾陵中秋夜彩鸞在歌場中蕭心悅之遂偕往蕭拙於為

生彩鸞小楷書唐韻一部市五千錢為餬口計不出一
日間了十數萬字非人力可為也囊溫復一日書之所
市不過前數歷十年蕭與彩鸞各乘一虎仙去 宣和書
譜

龍興紫極宮寫韻軒世傳吳仙嘗寫韻於此軒以之得
名予昔在圖書之府及好事之家往往有所寫唐韻
皆硬黃書之紙素芳潔界畫精整結字通麗皆人間之
奇玩也 虞集道園學古錄

嵩山女子

嵩山女子

佚其名

任生者隱居嵩山讀書常夜聞異香忽

一女子開簾而入年可二十餘凝態豔質世莫之見有
雙鬟青衣左右翼侍顧謂侍者曰郎君書籍中取一幅
紙兼筆硯來乃作贈詩一首筆札秀麗後三日來又贈
二篇良久出門閃閃上空中去地百餘丈猶隱隱見於
雲間生以三篇示於人皆知其神仙矣

神仙感遇傳

蔡少霞

蔡少霞

唐神仙見薛用弱集異記載

蘇軾遊羅浮山詩自注曰唐有

夢書新宮銘者云紫陽真人山玄卿撰又有蔡少霞者

夢人遣書碑其末題云五雲書閣吏蔡少霞書

東坡集

邵陽真仙

邵陽真仙

未詳何時人

邵陽人聞其山實異齋禱積稔果有

蹈空而至者涉筆附楹久之乃罷去既而熟視本文則

字皆隱起成列矣廉帥上聞且命鑱其逸跡藏於郡廨

後為刺史李岫所得今傳於孫月下留丹竈五字乃真仙

之詞也 司空圖一鳴集

紫邏樵叟

紫邏樵叟任某

佚其名

鄭南海為牧梁宋表弟進士劉生

寓居汝州有紫邏山神仙靈境也劉欲之梁宋因行諸藥肆中有樵叟倚擔於壁問其所要叟曰請一幅紙及筆硯耳劉即取肆中紙筆以授之叟揮毫自若書畢授於劉書曰承欲往梁宋梁宋災方重旦夕為人訟承欲訪鄭生鄭生將有厄即為千里客兼亦變衫色紫邏樵

金剛經卷第三
更任某書筆勢道逸超逾常倫看讀之際失叟所在月
餘皆如其言劉即於紫羅葺居物色求訪不復見叟世
寶其書巢寇犯闕方失其所在也

神仙感遇傳

羊惛

羊惛泰山人家於縉雲明經擢第解褐嘉州夾江尉罷
歸幽栖括蒼山遊阮郎亭忽仆地若斃七日方醒惛曰
初為一人自稱靈英邀入洞府中須臾石穴有物飛出
曰此青雲芝也可食之此後不喜穀氣言語吟詠或以

紙二三百張書之頃刻皆遍文字人莫之識惜讀之悉是文章好事者依口錄之實亦清詞麗句多神仙瀛州閬苑之意二十餘年後南入委羽山而去

續仙傳

司馬承禎

道士司馬承禎字子微河南溫人

續仙傳云號白雲子玄宗謚曰貞一先生

見畫家傳

少好學薄於為吏遂為道士止於天台山景雲二

年睿宗引入宮中問以陰陽術數之事開元九年玄宗又遣使迎入京前後賞賜甚厚承禎善篆隸書玄宗令

以三體寫老子經因刊正文句定著五千三百八十言

為真本以奏上之

舊唐書本傳

承禎攻篆迴為一體號曰金剪刀書

續仙傳

承禎制雅琴鎮名美石為之詞刻精絕

歷代名畫記

唐中嶽體玄先生潘尊師碣文聖歷二年王適撰弟子

中巖道士司馬承禎書

金石文字記

吳筠

道士吳筠字貞節華州華陰人通經術美文辭舉進士

不中性高鯁不耐沈浮於時居南陽倚常山天寶初召
至京師請隸道士籍大歷十三年卒弟子私謚為宗元
先生

唐書本傳

唐杭州天柱山天柱宮碑大歷五年吳筠文并書

金石

略

李含光

道士李含光廣陵江都人本名弘

唐書藝文志云本名弘避孝敬皇帝改焉

神龍初以清行度為道士居茅山天寶四載命中官齋

璽書徵之延入禁中請傳道法辭疾而退七載賜玄靖
為先生之嘉號焉幼年頗工篆籀而隸書尤妙客或賞
之曰賢於其父因投筆不書玄宗詔山人王旼強請楷
書上經一十三紙以補楊許之闕

顏魯公集

盧元卿

太清宮道士盧元卿工為篆籀八分諸書

權德輿太宗

飛白記

唐澠池縣復南館記盧元卿八分書

墨池編

王建贈太清盧道士詩云書賣八方通字學丹燒九轉

定人年

王仲初集

李德初

道士李德初

肅宗時人

太和四年劉遵古節度東蜀軍蜀人

有富蓄羣書劉嘗假其數百篇得周易正義一軸筆勢

奇妙字體稍古其卷末云上元二年因讀周易著此正

義道士李德初題

宣室志

呂子元

道士呂子元

文宗時人

靈寶院記太和三年雲水道士呂子

元書兼篆額

劉大彬茅山志

諸葛鑑元

道士諸葛鑑元善八分書

書史會要

閱古泉硤傍有開成元年六月南岳道士邢令開錢塘

縣令錢華題名道士諸葛鑑元書鐫之石上

周密癸辛

雜識

魚又玄

道士魚又玄華陽人

又玄題柳公權度人經後云大順元年華山道士是昭宗時人工

行書得王羲之筆意清勁不墮世俗之習飄然有仙風

道骨可以想見其人

宣和書譜

楊思聰

道士楊思聰

昭宗時人

唐重刻明皇大化觀道訣碑楊思聰

書碑末云戊午歲人日

昭宗乾寧五年

本觀住持楊思聰記

唐

明皇道訣碑

梁元一

道士梁元一天資孤潔喜翰墨慕鍾王出入規矩之外
書太上內景經作小楷法體兼衆善

宣和書譜

碧落觀二道士

二道士

佚其名

唐龍朔中絳州碧落觀有黃冠李史君即

高宗大帝之子其文未刻之前忽有二道士謁李史君
云聞君欲篆刻其文我二人天下之名篆也請為史君
成之乃於懷中出一軸末書陰符經殆非人功也史君
尤異之復令殿內四面封閉不得令人窺視只我二人

在中候三日即畢矣史君從之但見二道士挈二小囊
入自其門餘無所覩至三日史君命開之只見白鶴一
雙自門飛出及視文篆已畢

秦再思洛中紀異

釋辯才

釋辯才姓袁氏梁司空昂之玄孫永禪師弟子

見畫
家傳辯

才博學工文琴棋書畫皆得其妙每臨永禪師之書逼
真亂本嘗於所寢方丈梁上鑿其暗楹以貯蘭亭貞觀
中太宗降勅追師入內道場後放歸越中年八十餘每

日於窗下臨學蘭亭數遍其老而篤好如此

何延之蘭

亭記

釋懷仁

釋懷仁

太宗時人

唐文皇製聖教序時都城諸釋諉弘福寺

懷仁集右軍行書勒石累年方就逸少真蹟咸萃其中

周越古今法書苑

釋智辨

釋智辨

太宗時人

唐秦州都督姜確碑貞觀十九年僧智辨

正書 金石錄

釋仁基

釋仁基 高宗時人

唐平原寺舍利塔銘上元三年僧仁基正

書 金石錄

釋行滿

釋行滿 武后時人

偽周乙速孤府君碑載初元年苗仲容撰

釋行滿書 金石錄

釋行滿書勁健有法 石墨鐫華

釋曠

釋曠

中宗時人方干有經曠禪師舊院詩

唐益州學館廟堂記神龍元年

史燾撰釋曠正書

金石錄

釋翹徵

盛時泰立牘記作翹徵

釋翹徵

中宗時人

唐句容令岑公德政碑景龍二年張景毓

撰釋翹徵正書

金石錄

釋不空

釋不空西域人也玄宗肅宗兩朝皆為灌頂國師代宗

初以特進大鴻臚褒表之加開府儀同三司肅國公賜
法號曰大廣智三藏大歷九年贈司空追謚大辯正廣
智三藏和尚嚴郢不空和尚碑

唐無礙大悲心經陀羅尼幢開元國師三藏沙門不空

奉詔書昌平州志

釋惠融

釋惠融姓錢氏長沙人懷素伯祖學歐陽詢書世莫能辨鄉中呼為

大錢師小錢陸羽懷素別傳

釋懷素

釋懷素字藏真自叙云懷素家長沙幼而事佛經禪之暇頗好筆翰然恨未能遠覩前人之奇迹所見甚淺遂擔笈杖錫西遊上國謁見當代名公錯綜其事遺編絕簡往往遇之豁然心胸略無疑滯魚箋絹素多所塵點士大夫不以為怪焉顏刑部書家者流精極筆法水鏡之辨許在末行又以尚書司勳郎盧象小宗伯張正言曾為歌詩故叙之曰開士懷素僧中之英氣槩通䟽性

靈豁暢精心草聖積有歲時江嶺之間其名大著吏部
侍郎韋公陟覩其筆力勗以有成今禮部侍郎張公謂
賞其不羈引以遊處兼好事者同作歌以贊之動盈卷
軸夫草藁之作起於漢代杜度崔瑗始以妙聞逮乎伯
英尤擅其美義獻茲降虞陸相承口訣手授以至於吳
郡張旭長史雖姿性顛逸超絕古今而模楷精詳特為
真正真卿早歲常接遊即屢蒙激昂教以筆法資質劣
弱又嬰物務不能懇習迄以無成追思一言何可復得

忽見師作縱橫不羣迅疾駭人若還舊觀向使師得親承善誘亟挹規模則入室之賓舍子奚適

書苑菁華

長沙僧懷素好草書自言得草聖三昧棄筆堆積埋於山下號曰筆塚

唐國史補

懷素疎放不拘細行時酒酣興發遇寺壁里牆衣裳器皿靡不書之貧無紙可書嘗於故里種芭蕉萬餘株以供揮灑書不足乃漆一盤書之又漆一方板書至再三盤板皆穿

陸羽懷素別傳

懷素嗜酒以養性草書以暢志凡一日九醉時人謂之

醉僧書

金壺記

書法相傳至張顛後魯公得盡於楷懷素得盡於草故

魯公謂素以狂繼顛

廣川書跋

釋知至

釋知至

明皇時人

號初上禪師俗姓彭至性篤孝究易老莊

太一之旨善正書擅鍾王品格其點畫婉秀毫縷必見
如折槁荷磨文石筋理灑颯固非人力之所致也中朝

名士山藪高尚法流開勝遠近慕焉

張說藍田法池寺

二法堂贊序

釋大雅

釋大雅

明皇時人

唐鎮軍將軍吳文墓誌開元九年興福寺

僧大雅集王右軍書明萬曆末浚西安城濠得之俗謂之半截碑

金石文字記

釋貞慶

釋貞慶

明皇時人

唐太武皇帝駐馬碑開元十七年僧貞慶

文并書

金石錄

釋惠通

釋惠通

明皇時人

陳章甫謁禹廟序開元二十年釋惠通分

書

會稽志

釋溫古

釋溫古

王維有留別溫古上人詩云宗兄此削髮蓋其族也

唐傳菩薩戒頌開

元二十五年楊仲昌撰沙門溫古行書

金石錄

釋楚金

釋楚金

明皇時人

多寶塔者楚金所造嘗寫法華經千餘部

寔塔中

金石錄

釋智詳

釋智詳

明皇時人

唐進法師塔銘開元二十五年僧智詳楷

書

金石表

智詳書法習登善

石墨鎬筆

釋湛然

釋湛然姓戚氏世居晉陵荆溪號荆溪尊者

李華左谿大師碑銘

云常州妙樂寺僧湛然左谿入室弟子

天寶大厯間三詔並辭疾不起晚

居天台建中二年示疾而化吳越時追贈圓通尊者

台州府志

湛然師鍾繇工真行比見衡嶽碑亦無媿色

書史會要

璋上人

璋上人

明皇時人

唐岑參觀楚國寺璋上人寫一切經詩云

璋公不出院羣木閉深居誓寫一切經欲向萬卷餘揮

毫散林鵲研墨警池魚音翻四句偈字譯五天書

岑嘉

州集

釋懷暉

釋懷暉天寶間人草書似懷素

書史會要

釋行敦

釋行敦作行書儀刑羲之筆法天寶間寓安國寺以書

名於世

宣和書譜

釋智謙

釋智謙明皇時人唐故一切導師碑天寶五載沙門智謙行

書 金石錄

沙門勤

下闕
一字

沙門勤

下闕

唐少林寺靈運禪師塔銘天寶九載崔琪撰

沙門勤

下闕

行書

金石文字記

釋重閏

釋重閏

明皇
時人

唐右庶子于府君碑姪孺卿撰沙門重閏

八分書

金石錄

釋道欽

釋道欽姓朱氏居徑山大厯二年代宗召至闕下賜號

國一禪師

蘇州志

道欽工書翰

書史會要

清涼國師

清涼國師越之會稽人得二王筆法大厯三年受詔入
內譯經攝山棲霞寺律大師碑國師所書也

宋濂未刻

集

釋道秀

釋道秀

德宗時人

唐觀無量壽佛經建中三年比丘道秀正

書金石錄

釋法昭

釋法昭

德宗時人

唐觀無量壽佛經貞元八年沙門法昭行

書在遺教經陰

金石錄

釋義道

釋義道婺州金華觀音寺僧貞元十二年書法華經

金

華志

釋飛錫

釋飛錫

德宗時人貞元中楚金禪師碑飛錫撰東觀餘論有飛錫念佛寶王論跋

南嶽智顗

思大禪師頌沙門飛錫撰并書

歷代名畫記

宗師和尚

宗師和尚

德宗時人

李華云宗師和尚太原郭氏後遷於淮

法號懷仁師工於翰墨法皆佛法兼採儒流黃門侍郎

盧藏用才高名重罕有推挹一見和尚退而歎曰宇宙

之內信有當人

李華揚州龍興寺經律院和尚碑

釋文楚

釋文楚喜作草書學智永法擺脫舊習有自得之趣在
元和間所書千文落筆輕清無一點俗氣

宣和書譜

楊慎云唐五僧善書劉涇嘗作書話以懷素比玉筍光
比珠高閑比金貫休比玻璃亞栖比水晶牟子才云惜
涇未見文楚故未有定

楊升菴集

釋如展

釋如展

憲宗時人

元稹詩序云僧如展及韋戴同遊碧澗寺

不十日而展公長逝其間展公賦黃字五十韻飛札相
示予方屬和未畢稹詩云紫豪飛札看猶濕黃字新詩
和未成

元氏長慶集

釋潛瑾

釋潛瑾

憲宗時人

唐李晟為國修寺碑僧潛瑾書在鳳翔府

金石略

釋契元

釋契元

穆宗時人

白居易蘇州重玄寺法華院石壁經碑云

長慶二年冬作太和三年春成寺僧契元捨藝而書之
白氏長慶集

釋雲章

釋雲章

穆宗時人

唐題東林寺影堂碑陰長慶三年李渤撰

僧雲章正書

金石錄

釋有鄰

釋有鄰

太宗時人

唐天平軍節度使廳記太和五年劉禹錫

撰沙門有鄰八分書

金石錄

釋潭鏡

釋潭鏡

文宗時人

寧貢禪師塔銘太和五年沙門潭鏡八分

書額八字

會稽志

釋好直

釋好直

文宗時人

越州龍泉寺碑太和八年沙門好直篆額

碑在餘姚縣

會稽志

釋雲皋

釋雲皋本謝氏子讀書為文將就鄉賦舉進士遇明師

悟寂滅之學因髡頭就學遂僧於東林

張又新東林寺

建碑記

北海守李公文人之雄書品之能者也開元十五年作東林寺碑手筆一軸藏於寺者凡百一十三歲雲皋乃模而刻於碑

文苑英華

唐東林寺白氏文集記太和九年白居易撰僧雲皋正書

金石錄

獻上人

獻上人工草書

書史會要

孟郊送草書獻上人歸廬山詩云狂僧不為酒狂筆自
通天將書雲霞片直至清明巔手中飛黑電象外瀉玄
泉萬物隨指顧三光為迴旋驟書雲霓霽洗硯山晴鮮
忽怒畫蛇虺噴然生風煙江人願停筆驚浪恐傾船

孟

東野集

釋齊操

釋齊操

太宗時人

唐大泉寺新三門記鄉貢進士姚謩撰文

沙門齊操行書開成三年立

盛時泰玄牘記

釋建初

釋建初

太宗時人

唐基公塔銘開成四年李弘度撰僧建初

行書

金石表

建初行草秀勁有法

石墨鐫華

釋無可

釋無可

宋史藝文志無可詩一卷文獻通考云唐僧賈無可島弟也

唐寂照和尚碑

開成六年段成式撰僧無可楷書

金石表

修上人

修上人工草書

書史會要

史邕修公上人草書歌云真蹤草聖今古有修公學得誰及否古人今人一手書師今書成在兩手書時須飲一斗酒醉後埽成龍虎吼張旭骨懷素筋筋骨一時傳斯人斯人傳得妙通神攘臂縱橫草復真一身疑是兩人身

書苑菁華

釋靈該

釋靈該

武宗時人

會昌中以八分書稱於時

宣和書譜

釋齊己

釋齊己姓胡

自號衡嶽沙門

潭州益陽人

黃庭堅云齊己初捨俗入大為山晚歲作

荆州僧正

好吟咏留心書翰傳布四方人以其詩併傳筆跡

灑落得行字法

宣和書譜

齊己詩人不以書稱名茶詩脫灑不俗筆札亦善

蘇魏

公集

唐長生粥䟽齊己書在洪州

金石略

釋高閑

釋高閑烏程人克精書字宣宗嘗召入對御草聖遂賜紫衣後歸湖州開元寺終焉閑嘗好以雪川白紵書真

草為世楷法

高僧傳

閑之書其學出於張顛在唐得名甚顯

廣川書跋

高閑草書千文楮紙上高閑書令狐楚詩真蹟石本在

湖州

寶章待訪錄

釋遺則

釋遺則俗氏長孫京兆長安人從張懷瓘學草書獨盡

筆妙

高僧傳

釋誓光

釋誓光字登封姓吳氏永嘉人多作古調詩長於草隸
聞陸希聲謫宦於豫章往謁之授五指撥鐙訣書體適
健轉腕迴筆非常人所知昭宗詔對御榻前書賜紫方

袍

高僧傳

釋知常

釋知常

昭宗時人

唐憫忠寺重藏舍利記景福元年南敘述

記知常書

金石文字記

釋懷濬

曹學佺蜀中高僧記作懷璿

釋懷濬秬歸郡草聖僧也唐乾寧初知來藏往皆有神驗愛草書或經或釋或老至於歌詩鄙瑣之言靡不集其筆端與之語即阿唯而已里人以神聖待之

北夢瑣

言

釋亞棲

釋亞棲洛陽人喜作字得張顛筆意昭宗光化中對殿
庭草書兩賜紫袍一時為之榮其自謂吾書不大不小
得其中道若飛鳥出林驚蛇入草

宣和書譜

亞棲書開元寺壁筆勢濃鬱古帖有之亦是晚唐奇蹟

李日華六研齋二筆

釋夢龜

釋夢龜天復中寓東林寺作顛草奇怪百出筆力遒勁

亦自是一門之學

宣和書譜

釋可朋觀夢龜草書云欲盡金鍾數斗餘動容攘臂立
躊躇先教侍者濃磨墨不損傍人歛便書畫壯倒松橫
洞壑點麤飛石落空虛興來亂抹亦成字祇恐張顛顛
不如

唐詩紀事

釋廣利

釋廣利工草書

書史會要

吳融贈廣利大師歌云三十年前識師初正見把筆學
草書崩雲落日千萬狀隨手變化生空虛海北天南幾

回別每見書蹤轉奇絕近來無解作歌詩言語明快有

氣骨

吳融唐英集

釋無作

釋無作

十國春秋云字不用姓司馬氏蘇州人錢武肅王召居明州辭歸留詩云街恩雖入國辭病却

還山米芾云唐末人學歐書尤多四明僧無作學真字八

九分行字肥弱用筆寬又有七八家不逮此僧

米芾書

史

釋雲嶮

釋雲嶮

唐末人

釋適之云唐末桂州草書巖僧雲嶮學義

之書

金壺記

景福草書僧

景福草書僧作草書應規入繩猶有遺法然僧書多疏

如氣古今一也

東觀餘論

三年正月改元為乾寧此書乃是月作

而猶用舊號者當是詔令未至燕地也則是僧為燕人而逸其名明矣陶宗儀作釋景福誤

辯才弟子

辯才弟子

佚其名

米芾云草書千丈滕元發以為智永書

某閱其前空兩才字全不書固以疑之後復空永字遂
定為辯才弟子所書故特闕其祖師二名耳

寶章待訪

錄

釋元雅

釋元雅好古喜學於科斗小篆各為千文以隸書識其
側其科斗小篆筆意淳古而隸書復灑然不惡亦不謬
於用心也

宣和書譜

釋曇林

釋曇林作小楷下筆有力一點畫不妄作修整自持類

經生品格

宣和書譜

釋景雲

釋景雲

全唐詩話景雲有畫松詩

幼通經論性識超悟尤喜草法初

學張顛久之精熟有意外之妙

宣和書譜

釋玄達

釋玄達潤州江寧人俗姓胡博翫文什草隸尤精

釋義

淨大唐西域求法高僧傳

釋苾芻道宏

釋苾芻道宏汴州雍丘人俗姓靳頗工草隸

大唐西域

求法高僧傳

釋明解

釋明解姓姚住京師普光寺薄知才學琴詩書畫京邑
有聲

釋道宣續高僧傳

釋玄續

釋玄續姓桑氏成都人出家蜀都寶園寺通達外書工

草隸時吐篇什繼美前修

曹學佺蜀中高僧記

釋道松

釋道松觀音大士木塔下有草書心經滿壁筆力遒健
末題云孟冬月比丘道松書不記年歲或云李唐僧書

張袞江陰新志

釋開秘

釋開秘唐河中府開元寺汾陽王像殿碑僧開秘書

金

石略

釋從謙

釋從謙唐沐澗魏夫人廟碑僧從謙書

墨池編

釋藏知

釋藏知唐元畏三藏碑沙門藏知篆

墨池編

釋溫雅

釋溫雅唐珍畏和尚旌德碑沙門溫雅書

墨池編

釋靈迅

釋靈迅唐同光禪師碑靈迅書

墨池編

釋戒成

釋戒成唐天竺寺新鐘及樓記釋戒成書

墨池編

釋少紀

釋少紀唐紫極宮鐘銘沙門少紀書

墨池編

釋雲軻

釋雲軻唐東林臨壇大德塔銘弟子雲軻書在江州

金

石錄

釋元鼎

釋元鼎唐懷素律師塔銘孫弟子元鼎書

墨池編

釋玄悟

釋玄悟工八分真行呂總謂骨氣無雙迥出時輩

書史

會要

釋崇簡

釋崇簡工真行書呂總謂其臨寫逸少時有亂真

書史

會要

釋圓滿

釋圓滿長安華嚴寺有唐比丘圓滿斷碑書雅有歐褚

法

石墨鐫華

釋洪璵

釋洪璵博學儒釋風姿秀整能講唱詩篇草隸皆極精妙時人以其貌義詩書謂之四絕

書小史

會善寺沙門

會善寺沙門

名闕

唐少林寺靈運禪師碑試大理評事崔

琪撰會善寺沙門行書而闕其名

金薤琳琅

釋朗法等五人

釋朗法 釋惠顧 釋惟嵩 釋惟則 回上人

已上五人並工書翰

書史會要

房璘妻高氏

房璘妻高氏筆畫遒麗不類婦人所書婦人之筆著於

金石者高氏一人而已

集古錄

太原府交城縣石壁寺鐵彌勒像頌安公美政碑俱參
軍房璘妻高氏書石壁寺碑乃行書美政碑乃楷書

王

觀國學林新編

楊氏

楊氏

明皇時人

宋張端義云真定大厯寺有藏殿其藏經皆

唐宮人所書經尾題名字極可觀有塗金匣藏心經一

卷字體尤婉麗其後題云善女人楊氏為大唐皇帝李

三郎書

貴耳錄

柳夫人

柳夫人崔簡妻宗元伯姊善隸書為雅琴以自娛

柳河

東集

崔瑗

崔瑗永州刺史博陵崔簡女嫁為朗州員外司戶河東

薛弼妻善筆札讀書通古今

柳河東集

楊夫人

楊夫人柳柳州宗元室善翰墨

書史會要

陳燕子丁

陳燕子丁

德宗時人

獨菴比丘道衍法華經跋云唐僧義道

與女人陳燕子丁共以小楷細書是經為薦亡母解脫
清昇點畫波擊若出一手

金華府志

廉女貞

廉女貞善隸書常為內中學士

李遠集

劉秦妹

翰林書人劉秦妹歸馬氏竇泉云馬家劉氏臨効逼斤

安西蘭亭貌奪真跡

述書賦

封絢

殷保晦妻封教孫也名絢字景文能文章草隸保晦歷校書郎黃巢入長安共匿蘭陵里賊悅封色欲取之封罵曰我公卿子守正而死猶生也終不辱逆賊手遂遇害

唐書本傳

薛瑗

薛瑗濠梁人南楚材妻

見畫家傳

善書畫妙屬文

范攄雲溪

友議

關氏

關氏南楚人圖之妹甚聰慧文學書札罔不動人圖常語同僚曰某家有一進士所恨不櫛耳後圖以妹妻常修關氏與修讀書二十餘年才學優博越絕流輩咸通六年登科

南楚新聞

薛濤

薛濤字洪度西川樂妓工為詩當時人多與酬贈武元

衡奏為校書郎

晁公武郡齋讀書志

元稹以監察使蜀知有薛濤難得見嚴司空潛知其意

每遣薛往泊禎登翰林濤歸浣花造小幅松花牋百餘幅題詩獻禎禎寄舊詩與濤云長教碧玉藏深處總向紅牋寫自隨

牧豎閒談

薛濤以詩名當時作字無女子氣筆力峻激

宣和書譜

宋賈似道家有薛濤萱草詩

悅生古跡記

曹文姬

曹文姬本長安娼姿艷絕倫尤工翰墨欲偶者請先投詩岷山任生詩曰玉皇殿上掌書仙一染塵心謫九天

莫怪濃香薰骨膩霞衣曾帶御爐煙女曰真吾夫也不
然何以知吾事邪遂事之五年忽對任曰吾本上天司
書仙女以情愛謫人寰二紀將歸子可偕行騰雲而去
後以所居為書仙里

書史會要

御定佩文齋書畫譜卷三十

欽定四庫全書薈要卷一萬一千三百六十三

子部

御定佩文齋書畫譜卷三十一

書家傳十

梁

楊凝式

楊凝式

米芾書史云字景度

華陰人

宣和書譜云唐昭宗時登進士第

有文詞善

筆札歷仕梁唐晉漢周致仕居洛陽

王氏法書苑云凝式以心疾致仕人

謂之楊風子

官至太子太保

五代史本傳

凝式筆跡適放師歐陽詢顏真卿加以縱逸久居洛多
遨遊佛道祠遇山水勝槩輒流連賞詠有垣牆圭缺處
顧視引筆且吟且書若與神會其號或以姓名或稱癸
巳人或稱楊虛白或稱希維居士或稱關西老農其所
題後或真或草自顏中書後一人而已

唐詩外傳

凝式自顏柳入二王楷法精絕

邵博聞見前錄

余曩至洛師徧觀僧壁間楊少師書無一不造微入妙
當與吳生畫為洛中二絕見顏魯公書則知歐虞褚薛

未入右軍之室見楊少師書然後知徐沈有塵埃氣山
谷集

凝式喜作字尤工顛草筆跡雄強與顏真卿行書相上
下自是當時翰墨中豪傑

宣和書譜

書學自顏真卿傳柳公權懷素鄔彤韋玩崔邈張從申
以至楊少師凝式

解縉書學傳授

荆浩

荆浩字浩然河南沁水人

見畫家傳

隱於太行之洪谷自號

洪谷子

五代名畫補遺

荆浩漁樂圖柳體書漁父詞數首

雲煙過眼錄

羅紹威

羅紹威字端已魏州貴鄉人好學工書知屬文聚書數萬卷開館以延四方之士仕梁拜太師兼中書令

五代

史本傳

羅紹威錢俶皆武夫驕將之子其於字畫亦有以過人

歐陽文忠公集

薛貽矩

薛貽矩字熙用河東聞喜人唐乾符中登進士第歷集賢校理翰林學士晚事梁太祖累官自僕射守司空喜弄翰墨正書得古人用筆意贈誓光草書序秀潤可觀一時學者亦鮮儷焉

宣和書譜

柳應辰

柳應辰唐末五代時人書鄂州磨崖碑徑二尺四寸筆

勢清勁

洪邁容齋四筆

厲歸真

道士厲歸真

見畫家傳

畫牧牛圖後有八分書乃其筆也牛

戩畫評

釋大空

釋大空

梁開平間人

萬年寺鐘銘釋大空書

墨池編

釋無作

釋無作字不用姓司馬氏姑蘇人善草隸筆蹟遒健人

多摹寫開平中卒

釋義淨西域求法高僧傳

釋彥修

釋彥修梁乾化中人能草書

書史會要

僧彥修草書乾化時書今碑在西安府儒學

金石文字

記

僧彥修草字詩李丕緒刻之於石曰筆力道勁得張旭

法石墨鐫華

僧彥修與亞栖詈光齊名書法如淮陰惡少年風狂跳

浪俱非本色

王氏法書苑

後唐

豆盧革

豆盧革唐舒州刺史瓚子避地中山唐莊宗建國以革名家子召為行臺左丞相即帝位拜同中書門下平章

事

五代史本傳

豆盧革作正書雖有隱者態度然其點畫同為一律不

出五季人物風氣

宣和書譜

李從暉

李從暉

馬令南唐書作從暉

深州博野人岐王茂貞子為人柔而

善書畫唐莊宗時拜鳳翔節度使歷鎮宣武天平

五代

史本傳

盧汝弼

盧汝弼范陽人

宣和書譜云字子誥登進士第

李克用時為副使工書

畫唐莊宗嗣位承制封拜官爵皆出汝弼

五代史本傳

汝弼留意書翰作正書取法有歸當五季士風凋弊以字畫名家者尤少汝弼能力振所學誠不易得官至祠

部郎中知制誥贈兵部尚書 宣和書譜

烏震

烏震冀州信都人唐莊宗時拜刺史歷深趙二州少好學通左氏春秋喜作詩善書明宗擢拜河北道副招討使領軍國軍節度使 五代史本傳

丁約

丁約 莊宗時人 伯夷叔齊碑在蒲州首陽山二賢廟中後唐

同光元年護國軍節度押衙丁約建立廟宇題字 金石

文字記

梁邕

梁邕

莊宗時人

李存進碑呂夢奇撰梁邕楷書并篆額同光

二年立碑在太原

金石表

李元輔

李元輔

莊宗時人

黃庭堅跋繆篆後云同光二年李元輔書

元輔不甚知名蓋翰林書藝之流

山谷集

張恭嗣

郭在微

張恭嗣郭在微

並明宗時人

後唐尚父吳越國公謚武肅神

道碑楊凝式撰翰林待詔張恭嗣行書郭在微篆額長

興五年正月立

廖瑜杭州府志碑碣目

李鶚

李鶚

一作鄂

五代時仕為國子丞九經印板多其所書筆

法蓋出歐陽率更然窘於法度而韻不能高非名書也

金石錄

後唐汾陽王真堂記清泰三年李悅撰李鶚書

同上

五代時以揮翰馳名於當世者王文秉之小篆李鶚郭忠恕之楷法楊凝式之行草

歐陽文忠公集

李夫人

李夫人西蜀名家後唐郭崇韜伐蜀得之夫人以崇韜武弁常鬱悒不樂善屬文尤工書畫

書史會要

晉

成知訓

成知訓

高祖時人

建雄節度使相里金碑李象撰成知訓正書

天福五年十月

金石文字記

閻光遠

閻光遠

高祖時人

駙馬都尉史匡翰碑陶穀撰閻光遠行書

天福八年立在太原

金石表

蘇曉

蘇曉

出帝時人

開化寺瑤嚴閣記蘇禹珪撰蘇曉行書開運

二年立在太原縣

金石表

漢

楊邠

楊邠魏州冠氏人少為州掌籍吏事漢高祖官至樞密使隱帝即位加中書侍郎平章事邠長於吏事末年留意縉紳延客門下知經史有用乃課吏傳寫至其作正書雖不能造鍾王之藩翰然氣格超邁粗有可觀

宣和

書譜

王仁裕

王仁裕字德輦天水人事蜀為翰林學士唐莊宗平蜀

仁裕事唐漢高祖時為兵部尚書太子少保喜為詩少
嘗夢剖其腸胃以西江水滌之顧見江中沙石皆為篆
籀之文由是文思益進

五代史本傳

仁裕翰墨雖無聞於時觀其送張禹偁詩正書清勁自

成一家

宣和書譜

周

馮吉

馮吉字惟一河南洛陽人

陶宗儀云太師中書令道子

周顯德中太

常寺少卿嗜屬文工草隸

宋史本傳

郭嶧

郭嶧

太祖時人

洪邁云予家有舊監本周禮其末云大周廣

順三年癸丑五月雕造九經書畢前鄉貢三禮郭嶧書

容齋續筆

王獻可

王獻可

世宗時人

後周龍泉禪院記徐綸撰王獻可後序并

正書顯德二年立在陽城縣

金石表

朱延熙

朱延熙

世宗時人

洪邁云予家有舊監本經典釋文末云顯

德六年己未三月太廟室長朱延熙書此書字畫端嚴

有楷法

容齋續筆

顯德初酒狂

顯德初酒狂陶穀家逸少帖後有其題字

東觀餘論

釋師試

釋師試

世宗時人

後周龍泉禪院記僧師試篆額顯德三年

立金石表

吳

吳居中

吳居中楊吳荆江京漢將軍也鄂州磨崖碑大字八十五凡九行其文曰乾正元年大吳將軍出陳武昌詔太守楊公出鎮後云荆江京漢推忠輔國侍衛將軍吳居中記容齋四筆

方廷珪

方廷珪楊吳武義間書饒州浮梁縣鐘銘

書史會要

呂子元

道士呂子元楊吳太和三年書王栖霞所撰靈寶院記

并篆額

書史會要

南唐

宋齊丘

宋齊丘豫章人好學有大志烈祖為昇州刺史奇其才以國士待之本字超回改字子嵩烈祖建國以齊丘為

左丞相遷司空卒謚繆醜齊丘為文有天才自以古今
獨步書札亦自矜銜而嗤鄙歐虞之徒

馬令南唐書

王紹顏

王紹顏

與宋齊丘同時

齊丘陪烈祖登金陵城中鳳凰臺詩石

刻王紹顏奉勅書

戚光南唐書注

李建勲

李建勲字致堯廣陵人南平王德誠子烈祖鎮金陵預
禪代之計拜中書侍郎平章事元宗即位拜司空以司

徒致仕賜號鍾山公博覽經史詩清淡平易見稱於時

馬令南唐書

李建勲送八分書與友人詩云跢跢為詩跢跢書不封

將去寄仙都仙翁拍手應相笑得似秦朝次仲無書苑

菁華

馮延巳

馮延巳字正中廣陵人有辭學多伎藝烈祖以為祕書

郎元宗即位累官中書侍郎平章事馬令南唐書

延巳工書遠勝宋齊丘齊丘謂曰子書徃徃似虞世南
馬令南唐書宋齊丘傳

韓熙載

韓熙載字叔言北海人弱冠擢進士第烈祖受禪除祕
書郎遷兵部尚書謚文靖才高氣逸善談論聽者忘倦
分書及畫名重當時見者以為神仙中人馬令南唐書
楊凝式傳於韓熙載徐鉉兄弟

解縉書學傳授

高越

高越燕人舉進士文價藹然南歸烈祖終禮部侍郎與
江文蔚俱以詞賦知名江南士人言體物者以江高為
稱首

鄭文寶南唐近事

李順公碑高越書在石子岡下

江寧府志

徐鉉

徐鉉字楚金揚州廣陵人與兄鉉同有大名於江左第
進士累遷屯田郎中知制誥集賢殿學士

陸游南唐書

鉉四歲而孤母方教鉉未暇及能自知書李景見其文

以為祕書省正字錯善小學嘗以許慎說文依四聲譜
次為十卷目曰說文解字韻譜鉉親為之篆鏤板行世
宋史徐鉉傳

鉉錯兄弟工染翰崇飾書具嘗出一月團墨云值價三

萬

南唐拾遺記

南唐紫極宮石磬銘徐錯撰并小篆書

金石錄

朱銑

朱銑南唐人蔣莊武帝廟碑徐鉉撰朱銑書在蔣廟門

外張懿公神道碑亦銑書

于奕正天下金石志

楊元鼎

楊元鼎南唐人

書史會要云
官虞部郎中

茅山紫陽觀碑徐鉉撰楊

元鼎書并篆額

天下金石志

李蕭遠

李蕭遠

南唐
人

鍾陵清涼寺有元宗八分題名蕭遠草書

董羽畫海水為三絕

名畫評

李中

李中字有中隴西人淦陽宰

按晁公武郡齋讀書志云南唐李有中贈韓熙載

張洎徐鉉詩或作唐人誤

五七言兼六言二百篇目曰碧雲集

孟賓

于碧雲集序

唐懷素草帖有李中書長深字

墨池編

潘佑

潘佑散騎常侍處常子文章贍逸敏於議論以祕書省

正字釋褐後主即位遷虞部員外郎改知制誥

馬令南

唐書

潘佑行書草帖筆跡奕奕超拔流俗有東晉之遺風宣

和書譜

顏詡

顏詡魯郡公真卿後唐末徙居木川雅辭翰謹禮法子
弟有與賓客戲者未嘗面責手寫韋曜博奕論署於屋
壁使之自媿馬令南唐書

王文秉

王文秉江南人篆書遠過徐鉉而鉉以文學名重當時

文秉人罕知者文秉筆甚精勁小篆千字文題云大唐
庚申歲者建隆元年也紫陽石磬銘張獻撰亦文秉書
集古錄

南唐王文秉工小篆自號王逸老欲與逸少相抗

紫桃

軒又綴

應用

應用江南人以書法名善寫細字微如毛髮常於一錢
上寫心經又於一粒麻上寫國泰民安四字

龍衮江南

野史

唐希雅

唐希雅嘉興人

見畫家傳

李煜好金索書希雅嘗學之

名畫

評

任玄能

道士任玄能南唐人能篆

書史會要

釋應之

釋應之姓王其先閩人能文章習柳氏筆法以善書冠

江左初舉進士一點於有司遂學為浮屠保大中授文章應制大德賜紫元宗喜楞嚴經勅應之書鏤版既成上之元宗曰是深得公權之法者也吾聞公權嘗以筆諫穆宗為之改容今效其法尚可想見其風采應之書名益振遷右街僧錄

馬令南唐書

應之江表名僧能文章善楷隸南唐昇元保大間為內供奉中主後主書體與之相類當時碑刻多其寫者至今盡存惟江寧府保寧寺四注金剛經兼備衆體尤為

精筆 蘇魏公集

應之作行書以文絹寫進士沈崧曲直不相入賦頗有

氣骨 宣和書譜

宮人喬氏

李後主手書金字心經一卷賜其宮人喬氏喬氏後入
太宗禁中聞後主薨自內廷出其經捨在相國寺西塔
以資薦且自書於後曰故李氏國主宮人喬氏伏遇國
主百日謹捨昔時賜妾所書般若心經一卷在相國寺

西塔院伏願彌勒尊前持一花而見佛云云其後江南
僧持歸故國置之天禧寺塔相輪中寺後失火相輪自
火中墮落而經不損為金陵守王君玉所得君玉卒子
孫不能保之以歸甯鳳子儀家喬氏所書在經後字極
整潔而詞甚悽惋所記止此徐鉉集南唐制誥有宮人
喬氏出家告豈斯人也

王銍默記

前蜀

韋莊

韋莊字端已杜陵人見素之後王建辟為掌書記後相建為平章事

全唐詩話

韋莊在當時以作字名於世但今所見者少觀借書諸帖有行書法非潛心於古而一意文詞翰墨間未易至此也

宣和書譜

王宗壽

王宗壽

字永年

許州民家子也建以同姓錄之為子工琴

弈事建為鎮江節度使衍立為太子太保唐明宗以為

保義軍行軍司馬

五代史前蜀世家

宗壽能文與能仁院僧卯書札二十餘帙墨蹟多貯冲

妙觀中

十國春秋

王錯

王錯字鱸祥唐天復時奉使西川因留蜀官翰林學士
武成二年除中書侍郎同平章事唐師入成都錯至洛
陽授以州刺史

十國春秋

前蜀王氏朝偽相王錯家藏書二千卷一一皆親蹟并

寫藏經每趨朝於白藤檐子內寫書書法尤謹近代書字之淫者也

金壺記

任德筠

任德筠前蜀人本業寺碑僧契撫撰東山任德筠書乾

德五年立

周暉吉金陵瑣事

張昭肩

道士張昭肩前蜀人學柳公權書甚精

書史會要

釋貫休

釋貫休姓姜氏字德隱婺州蘭溪人

見畫家傳

工篆隸初在

荊州成中令問其筆法曰此事須登壇而授詎可草草言之成怒遞放黔中入蜀王建遇之厚

唐詩紀事

休公有詩集行於世兼善書謂之姜體以其俗姓姜也

圖畫見聞志

貫休善草書時人比諸懷素

益州名畫錄

釋曇域

釋曇域前蜀人

高僧傳云貫休弟子景煥野人間話云申天師門人

工小篆學李

陽冰 書史會要

釋曉巒

釋曉巒

一作楚巒

前蜀人工草聖學張芝

書史會要

曉巒草書得張旭筆意與曇域並稱

十國春秋

黃崇嘏

黃崇嘏臨邛人周庠知邛州崇嘏上詩稱鄉貢進士年三十許祇對詳敏復獻長歌庠益奇之召與諸生姪同遊善琴弈妙書畫翼日薦攝府司戶叅軍胥吏畏服案

牘一清庠美其風采欲以女妻之崇嘏袖封狀謝仍貢
詩曰幕府若容為坦腹願天速變作男兒庠覽詩驚駭
召見詰問故黃使君女也乞罷歸臨邛不知所終 玉溪
編事

後蜀

黃居寶

黃居寶字辭玉成都人待詔筌次子

見畫
家傳

官水部員外

以八分書知名

書史會要

唐張素卿作十二真人像太傅安思謙因蜀王氏誕辰
獻之命翰林學士歐陽炯作讚翰林待詔黃居寶八分
書題之

益州名畫錄

滕昌祐

滕昌祐字勝華吳人

見畫家傳

攻書人號滕書大聖慈寺文

殊閣普賢閣蕭相院方丈院多利心院藥師院天花瑞

像數額並昌祐筆

益州名畫錄

昌祐善書大字

圖畫見聞志

胡恬

胡恬卜居於岳州湘陰縣白鶴觀父為晏州刺史恬獨
好道陰陽緯候星歷推步鑪火飛白之事彭素道易占
術篆隸詞賦皆曲盡其能景福年於安州遇上蔡人馬
處謙賣卜憫其瞽疾致孝因挈入山諸侯辟召皆不能
致後仕蜀為少將作檢校僕射

杜光庭錄異記

元昭嘏

元昭嘏工部員外郎倣韓擇木八分書昭嘏乃杜光庭

門人耿煥野人閒話

張紹文

張紹文

陶宗儀作昭文

廣政十四年成都石本諸經毛詩儀禮

禮記皆祕書省祕書郎張紹文書

容齋續筆

孫朋古

孫朋古

陶宗儀作朋吉

成都石本周禮祕書省校書郎孫朋古

書

容齋續筆

孫逢吉

孫逢吉成都人母昭裔性好藏書在成都令門人勾中正孫逢吉書文選初學記白氏六帖鏤版至中朝行於世

宋史西蜀世家

成都石本周易國子博士孫逢吉書

容齋續筆

周德政

周德政

陶宗儀作德貞

成都石本尚書校書郎周德政書

容齋

續筆

張德昭

張德昭

陶宗儀作德釗

成都石本爾雅簡州平泉令張德昭書

容齋續筆

羅綠

羅綠官武軍巡官工篆

書史會要

馮侃

馮侃偽蜀士人能書得二王之法然而以二指掐筆管而書凡故筆必二爪跡可深二三分斯書札之異者也

墨池編

偽蜀童子

偽蜀有童子某者能書孟氏召入甚佳其穎悟錫之衣服及墨一九

墨池編

杜光庭

道士杜光庭字賓聖道號東瀛子括蒼人喜讀經史工詞章翰墨之學懿宗設萬言科光庭試不中棄儒衣冠入道僖宗臨御光庭充麟德殿文章應制喜自錄所為詩文而字皆楷書人爭得之入蜀以方術事孟昶進為

光祿大夫尚書戶部侍郎廣成先生上柱國蔡國公宣

和書譜

杜光庭寓滇嘗書蒙國大詔碑精妙有法

謝肇淛滇錄

釋夢歸

釋夢歸孟蜀時人匡山處士景煥與翰林學士歐陽炯
聯騎遊成都應天寺觀孫位畫左壁天王煥遂畫右壁
天王以對之渤海歎重為長歌以美之繼有草書僧夢
歸後至因請書於廊壁書畫歌行一日而就成都人號

為應天三絕

圖畫見聞志

楚

石文德

石文德連州人博覽經史經目不忘素不善草隸詩律
一日得晉帖數紙及閱殷璠詩選摹倣久之迥出儔輩
十國春秋

吳越

羅隱

羅隱字昭諫餘杭人唐乾符中舉進士不第錢鏐辟掌書記歷節度判官副使奏授司勳郎中梁祖以諫議大夫召不行魏博羅紹威推為叔父表薦給事中卒作詩自號江東生

晁公武郡齋讀書志

隱雖不以書顯名作行書猶有唐人典刑觀其羅城記

橐諸帖略無季世衰弱之習

宣和書譜

唐梅先生碑羅隱隸書

天下金石志

林鼎

林鼎慈溪人善屬文能書得歐虞法所聚圖書悉手鈔
仕吳越自鎮海軍節度判官累遷至丞相謚貞獻張時
徽寧波志

錢傳瑛

錢傳瑛武肅王第三子一曰長子初名傳鐸天性英敏頗敦

儒學聚書數千卷工草隸封雲國公十國春秋

錢弘儀

錢弘儀文穆王元瓘第十一子工草書善弈碁皆及上

品十國春秋

錢弘仰

錢弘仰文穆王第十三子通儒術尤精書法累官台州刺史顯德五年卒謚成顯十國春秋

錢昭序

錢昭序字著明台州刺史仰子好學喜聚書書多親寫宋史吳越世家

東漢

高君陳

高君陳

劉承鈞時人

李克用題名在北嶽廟中其下小字云

天會十二年尚書都官員外郎知曲陽縣事高君陳摹

刊金石文字記

劉守清 王廷譽

劉守清 王廷譽

俱劉繼元時人

天龍寺千佛樓碑李惲撰劉守

清行書王廷譽篆額廣運二年立在太原縣 金石表

張徐州

已下未詳時代

張徐州者失其名官徐州故以為稱業儒學喜翰墨志趣曠達作行書亦自不凡筆力清勁勢若削玉

宣和書譜

孫昭祚

孫昭祚亡其系中書堂吏也習翰墨尤長歐陽詢行書法嘗用其體書千文傳於世

宣和書譜

蘇武功

蘇武功莒人以官稱工篆端勁方穩矩模李陽冰

書史

會要

薛存貴

薛存貴史失其傳喜作草書有晉宋間風度所書雖出於一手而變態百出或妍或醜其溫潤足繩墨處便類獻之而剛勁乏斌媚處則李煜金錯刀之儔侶也

宣和書譜

楊永符

楊永符五代人能草書自號手怒

紫桃軒又綴

御定佩文齋書畫譜卷三十一



總校官庶吉士臣張能照
校對官庶吉士臣陳崇本
謄錄監生臣閻學澄